



Sabtu, 17 Desember 2022

Ogen: 2 Samuel 13:1-21



"Ola Paksa Aku"



Tanggal 17 Desember e me wari penghapusen kekerasan nandangi pekerja seks. Tuhu megati terjadi kekerasan nandangi pekerja seks, subuk arah keluarga bage pe lingkungan sekelewenan. Pegalaman penulis tupung erbahan percakapan pastoral man "teman-teman" PSK, maka melala si melatarbelakangi maka ia jadi sekalak pekerja seks. Contoh; inisial L, ia jadi pekerja seks erkiteken tupung umurna 18 tahun ia iperkosa rondongna, janah temanna e la ertanggung jabap. E maka iputuskenna jadi PSK, erkiteken keluarga pe nggo er-ate ciga man bana dengen la lit keluarga ras teman singaloken situasina paksa si e. "karena saya sudah hancur., sekalian hancurlah pendeta" (janahna teriluh). Deba ka ia jadi pekerja seks erkiteken ekonomi si kurang, la tercukupi kebutuhan keluarga, tambahina dahinna alu ndayaken kulana. Mungkin melala denga pengalaman-pengalaman sideban sierbahanca lit kekelengenta erdahin selaku PSK.

2 Sam 13:1-21 pe nuriken pengalaman si ialami Tamar turang Absalom, si alu paksa guna ngelakoken perbahanen si la uli ras turangna Amnon pedauh nande. Kejadin si ialami Tamar e maba kecedaan ate dengen kemelaan man Tamar bage pe man keluarga besar kerajaan. Pemaksan silakoken Amnon nandangi Tamar nadingken luka ras perasaan mela man Tamar, itambah ka kenca iperkosa Amnon si Tamar, turah ciga atena ngenehesa. Perlakun si ialami Tamar erbahanca ia jadi sekalak si pemurung. Kejadin si ialami Tamar e mpeturah ndela ate man diri Tamar.

I bas zaman enda pe melala ka nge "Tamar-tamar si deban" sindatken perbahanen la adil, labo terjeng bas keluarga tapi pe i bas ingan erdahin, i paksa guna erbahan la uli; kenca e itadingken bagi barang si la meherga. Alokun ia alu dem keleng ate, babai geluhna ku si mehuli gelah ula ndabuh ku bas keputusan PSK.

Keleng ate ngubahken prilaku